

INSTITUTO GALEGO DE PROMOCIÓN ECONÓMICA

Resolución do 12 de maio de 2008 pola que se fai pública a adhesión de dúas asociacións mexilloeiras ao convenio de colaboración entre o Instituto Galego de Promoción Económica (Igabe) e as organizacións máis representativas dos intereses dos sectores implicados na produción, manipulación e transformación do mexillón na comunidade autónoma, para a habilitación dunha liña de financiamento específica para as empresas galegas produtoras de mexillón.

O Consello de Dirección do Igape, na súa xuntanza do 8 de febreiro de 2008, acordou por unanimidade dos seus membros asistentes a aprobación das bases reguladoras das axudas para a habilitación dunha liña de financiamento específica para as empresas galegas produtoras de mexillón, instrumentadas mediante convenio de colaboración entre o Instituto Galego de Promoción Económica (Igabe), as entidades financeiras adheridas e as asociacións de produtores colaboradoras. Estas bases foron publicadas mediante Resolución do 3 de abril de 2008 (DOG nº 69, do 10 de abril).

Xunto co texto das devanditas bases publicouse a relación de entidades financeiras e de asociacións de produtores que se adheriron ao convenio.

Ratificada con datas do 5 e 7 de maio de 2008, respectivamente, a adhesión da *Asociación de Mexilloeiros Virxe do Rosario* e da *Sociedade Cooperativa Galega Mexilloneiros de Galicia*, cómpre facelo público.

Polo que antecede, en virtude das facultades que teño conferidas mediante o artigo 12 a) da Lei 5/1992, do 10 de xuño, de creación do Instituto Galego de Promoción Económica, e do artigo 11.1º a) do Decreto 317/1992, do 12 de novembro, polo que se aproba o Regulamento do Igape,

RESOLVO:

Facer pública a adhesión da *Asociación de Mexilloeiros Virxe do Rosario* e da *Sociedade Cooperativa Galega Mexilloneiros de Galicia* á relación de asociacións de produtores adheridas ao convenio de colaboración entre o Instituto Galego de Promoción Económica (Igabe) e as organizacións máis representativas dos intereses dos sectores implicados na produción, manipulación e transformación do mexillón na comunidade autónoma, para a habilitación dunha liña de financiamento específica para as empresas galegas produtoras de mexillón, asinada o 1 de abril de 2008.

Santiago de Compostela, 12 de maio de 2008.

Álvaro Álvarez-Blázquez Fernández
Director xeral do Instituto Galego de Promoción Económica

IV. OPOSICIÓNS E CONCURSOS

CONSELLERÍA DE EDUCACIÓN E ORDENACIÓN UNIVERSITARIA

Corrección de erros.-Resolución do 30 de abril de 2008, da Secretaría Xeral da Consellería de Educación e Ordenación Universitaria, pola que se procede a nomear e facer pública a composición dos tribunais que xulgarán o procedemento de acceso aos corpos de catedráticos de ensino secundario, de artes plásticas e deseño e de escolas oficiais de idiomas convocados pola Orde do 10 de novembro de 2007 (Diario Oficial de Galicia do 15 de novembro).

Advertido un erro na devandita resolución publicada no *Diario Oficial de Galicia* número 94, do venres 16 de maio de 2008, é necesario efectuar a seguinte rectificación:

Na páxina 8.926, anexo, corpo 590, tribunal nº 2, onde di: «Presidente: 07764235X Hernández Cerviño, Guillermo», debe dicir: «Presidente: 33783689R Santoalla Varela, Jaime».

Resolución do 28 de maio de 2008, da Secretaría Xeral da Consellería de Educación e Ordenación Universitaria, pola que se nomean os tribunais que deberán xulgar as probas do proceso selectivo para ingreso no corpo de mestres, así como a adquisición de novas especialidades, convocado pola Orde do 9 de abril de 2008 (Diario Oficial de Galicia do 16 de abril).

En cumprimento do sinalado na Orde do 9 de abril de 2008 (DOG do 16 de abril) pola que se convoca proceso selectivo para ingreso no corpo de mestres, esta secretaría xeral

RESOLVE:

1. Nomear os tribunais que figuran no anexo I, ante os que deberán actuar os aspirantes admitidos á realización das probas do proceso selectivo.

Os tribunais constituiranse dentro do prazo de 15 días naturais, contados desde o seguinte ao da publicación desta resolución no *Diario Oficial de Galicia*, e darán conta de forma inmediata da súa constitución á secretaría xeral.

Os presidentes tomarán as medidas necesarias para a constitución dos tribunais no prazo indicado.

2. Nomear os presidentes das comisións de selección que figuran no anexo II.

As comisións constituiranse no prazo de corenta e oito horas desde que se constitúan os tribunais.